



Wasserschei.

Du kennschd doch aah die Herdeliß,
Im Dorf es dreckischd Määre;
Un wääschd aah wie 's an Kerwe iß
Wann Baure Ruche meehre;
E Droog voll Dääg iß 's geringschd,
Do derfischd dich fei" net schnerre
Un esse dhut do 's Heldschd wie 's jingschd,
Net ä"ns dhut sich do schberre.

Die Herdeliß, daß Gott erbarm,
Hadd lärer nix zum backe,
Die hadd eichs ganze Johr, — so arm, —
Se kaue nix un knacke.
Doch Dunnerschdags vor Kerwe geht
Mit ehre Siemesache
Sie zu der Noehbersfraa: „Geh Greth,
Vosß mich dei" Dääg heit mache.“

Die Greth guckt se verwunnerd a",
Als wer die Riß denewe;
Die saht: 's is Rinndaaf heit beim Scha"
Un ich soll 's Rinn do hewe;
Mei" Klääd hann ich schun a"geleht,
Deß mit de blooe Färem;
Geh, loß dei" Dääg mich mache, Greth,
Deß gebbd so sautwe Märem.

